



Kamis, 13 Juni 2024
Ogen: 1 Raja-raja 21:1-7



Ngapuli Ahap



Tidak berdaya! Kugapa pe hebatna sekalak jelma, rikut bayakna, santaina ngalaken kegeluhen, tapi lit paksa-paksa ia la megegeh. Bage pe, la kerina sura-surana banci isehi, amin kugape erkuasa ras bayakna ia. I bas situasi si bage rupana ia perlu idukung, imotivasi dengen iarih-arihi. Rikutken si enda lit nina belas-belas 'tergantung siapa pembisiknya' nentuken kuga ia ngalaken persoalen-persoalen si iadapina.

Bagenda me si jadi nandangi sekalak raja, e me Ahap raja Israel. Amin ia sekalak raja, melala ertana, erkuasa ia tapi mengga denga atena sikerajangen kalak, e me peken anggur Nabot. Bage ke pe geluh enda, la erbias-bias erta ras singena ateta. Tentuna enggo nge usur-usur Ahab mindo man Nabot, secara pendekaten. Igalari tapi la ibere Nabot, ibahan gancihna pe la ia nggit. Tapi la ibere Nabot erkiteken e taneh tading-tadingen keluargana. La seh sura-sura erbahan kita rukur la mehuli, banci kote ras latihan ukur, bertindak la kita pang. Dungna erndeale ate gedang-gedang wari, mbenceng ke pe ia. La pentar ia ngaturken pusuh ras ukurna. I bas kecibal si bage Isebel ndehara Ahab muat peran, nuruh Ahab tenang, ia muat kendali nehi sura-sura perbulangenna. Ibahan Isebel taki pacik, erbahan cara la payo gelah idatna peken anggur e. Payo, iapuli Isebel me perbulangenna tapi la pas carana. Irugikenna kalak sideban, la saja rugi tapi pe ceda geluh kalak sideban ibahanna.

Rikutken kecibal geluh jabu enda, perlu kal kita mediate, megermet tapi la ncedaken geluh kalak sideban. La ngangkat sekalak jelma tapi ndedeh kalak sideban. Erjile-jile alu barang kalak sideban. Lakokenlah si mehuli, bahanlah geluhta tuhu-tuhu jadi pengapul ras pasu-pasu alu la nilahi nilai-nilai kiniteken ras sura-sura Dibata.